

Анатолий Уваровлы – 90 арес

«Тыпылэсь меда, бадярлэсь меда...»

Анатолий Уваровез буре ваён жытэз радьяз «Удмурт шаер» клуб

Йёскалык библиоте-каысь «Удмурт шаер» клуб удмурт кылбурчиз, литератуrowедэз, кылысь кылэ берыктисез Анатолий УВАРОВЕЗ тодэ ваён жыт ортытис. Алнаш ёросысь Юртошур-Каки гуртын вордскем писательлы, Удмуртиысь культура удысысь дано ужасылы, филология наукаосъя кандидатлы туэ 90 арес тырмысал.

Серекъятис но, малпаськытис но

Анатолий Уваров гожь-ясыны кутскиз 1947-тй арын. Солэсь егит лирикаез пумен воштитэ юмор но сатира, поттитэ «Отиско куное», «Вуом али», «Удмуртский юмор» бичетёссэ. Та жанрез эскерыса ик, печатлаз «Художественное своеобразие удмуртской сатиры» книгазэ. Юморескаосыз но басняосыз печатласькизы «Удмурт дунне» газетысь «Шёкыч» бамын. А. Уваров творчество ласянь юмор дуннеын гинэ оз улы, бадзым уж лэсьтитэ удмурт югдытисёс сярись книга поттэменыз. «Югдытисёс» бичетаз литературовед нырысетй писательёсылэн улэмензы но творчествоенызы тодматитэ. Тужгес но данъямон луо «Писатели Удмуртии» но «Писатели и литературоведы Удмуртии» справочникёсыз. Чапак та бордын ёш ужамзы сярись люкаскемёслы вераз Анатолий Уваровлэн двоюродной



Йёскалык библиотекаын «ВКонтакте» банысьтыз

Анатолий Уваровлы сйзем жытэ вуылйзы писательлэн пиосыз Сергей Уваров (паллянысен куинетйез) но Иван Уваров (паллянысен нылетйез).

сузэрез, педагогика наукаосъя кандидат Надежда Лекомцева. Пумиськонэ ёужанайзылэсь чалмазэ но возъматыны ваем. А. Уваровен мар бордын ёш ужамзэс мадиз, солэсь кылбурёссэ лыдзиз.

Литература, культура но наука удысын А. Уваров азымынйсьёс радын вал. Удмурт лыдзисёсты со нырысьсэ тодматитэ мадьяр тодосчилэн П. Домокошлэн ужёсыныз. Анатолий Уваровлэн улон-вылонэз но творчествоез сярись трос вераны-лыдзыны луэ, но та жыт дуно вал чапак соин: Анатолий Николаевич сярись трос выльзэ веразы кылбурчиен ёш ужам адямиос, ёжы-выжыосыз.

«Удмуртия» ГТРК-ысь журналист Владимир Михайлов тодаз вайиз

А. Уваровлэсь Удмурт радиоё ём пырамзэ.

— Ми радьяськомы вал «Чагыр, чагыр дыдыке» нылпиослы передачаез, отчы тэшкылиослы выжыкылтёс кулэ луизы. Удмурт радиолэн кивалтисез Евгений Осипов Анатолий Уваровлы шуэ: ёرمىськомы выжыкылтёслы. Нош Анатолий Николаевич чапак соку люказ, берыктитэ но поттитэ портэм калыкёслэн выжыкылтёсынызы «Нуналлы быдэ выжыкыл» книгазэ. Озыы «Чагыр, чагыр дыдыке» передачаын чузъяськизы трос выжыкылтёс. А. Уваров сярись тодэ вайыку, вератэк кельтыны уг луы «Вордскем кыл» журнал сярись. Чапак со та журналэз кылдытитэ но нырысетй валтись редакторез луиз. Со туж трос берыктон ужен выриз, кыларись, «Калевала» карел-фин эпосэз берыктитэ, — шуиз Владимир Михайлов.

Востэм адями но зеч атай

Литературовед, филология наукаосъя кандидат Александр Шкляев верамъя, А. Уваров кылбурчи но литературовед сямен быдэсак усътэмын овёл на.

— Анатолий Уваровлэн творчествояз туж трос эскерымтэез на, малы ке шуоно со туж востэм адями вал. Таё жытёс писательёсты котыр ласянь усътыны юрто. Литературоведлы критика туж кулэ. Критика со

позтлэн ку вордиськемез но улэмез сярись гожьян овёл, со — писательлэн улонэзлэсь но творчествоезлэсь философизэ уччан. Анатолий Николаевич туж йёно, чебер, адзем карымон пиосмурт вал, ачиз бере сыёе ик пиос но кельтэм, — шуиз Александр Григорьевич.

А. Уваров дышетон удысын но бадзым пытты кельтитэ. Та сярись рос-прос вераз но презентация лэсьтитэ филология наукаосъя кандидат Людмила Бусыгина. Анатолий Николаевич Удмурт научно-исследовательской институтын ужаз, соин кивалтитэ но. Со трос тыршитэ удмурт учебникёсты выль куронёсыя поттон-дасян бордын.

Та жытэ лыктиты писательлэн пиосыз: Россиысь тодмо суредась, Пензаысь художественной училищесы преподаватель Сергей Уваров но Ижысь медицинская кун академийсь профессор Иван Уваров.

Атаез сярись шунит тодэ ваёнёссэ вераз Сергей пиоз:

— Туннэ татын А. Уваров — писатель, кылысь кылэ берыктись, учебникёсты дасясь сярись трос веразы ни. Соин ик мон верало, кыёе со атай вал. Но нырысь ик пустьеме потэ: атае удмурт кыллэн, удмурт литературалэн фанатэз вал. Кин ке удмуртёс сярись маке уродзэ мед вералоз ай, со сыёе адямиен зечбурьяськемысь, солы кизз сётъямысь дугдылитэ. Удмурт

калык, анай кыл солы ву кад вал, нош вутэк улыны уг луы ук. Со туж зеч атай вал. 60 арес тырмонэзлы медаль лэсьтыны малпамы. Эскизэ мон малпай. Отчы кулэ вал маке вакчияк гожтыны. Ми куинь пумо чур ёектимы: «Йыбырттиско анай кылмылы», «Йыбырттиско вордскем музёемель», «Йыбырттиско удмурт калыкель». Атайлы кельшитэ куинетйез. Бронзалэсь кистэм синпель медале «Йыбырттиско удмурт калыкель» гожтимы. Мон ачим песятай луи ини, но али но атаен вераськысал, солэсь визь-кенеш юасал. Шёдйско: милям соин матысь но юн кусыпмы. Тодйско, куке но соин пумискомы, соку ини кема но трос вераськомы, — шуиз Сергей Уваров.

Анатолий Уваров кылбурчилэсь яркыт чурёссэ но солэн кылёсызья гожтэм чебер кырзанёслэсь узырлыксэс возъматиты та жытэ вуэм усточиос. Кыларись, калыкеш шулдыртиты Ижысь творчествоя но культура центрысь Елена Шутова но Виктор Яковлев. Удмуртиысь калык артист Игорь Моисеев лыдзиз Шандор Канядилэсь А. Уваровен берыктэм произведенизэ. Нош актриса Ольга Александрова А. Уваровен берыктэм «Слово о полку Игореве» произведениысь локетёссэ лыдзиз.

А. Уваровлы сйзем жытэз кырзанэн йылпумъяз Удмуртиысь культура министр Владимир Соловьёв.

— Анатолий Николаевич мыным ёжы-выжы кадэ потэ вал, малы ке шуоно ми соин бускель гуртёсысь. Мон туж шер киям кутылысько ни баянэз. Но А. Уваровлэн кылёсызья гожтэм Николай Постниковлэсь кырзанэз туннэ быдэстэме потэ. Художникёслэн вань автопортретёссы, нош «Тыпылэсь меда, бадярлэсь меда» кылбур но кырзан Анатолий Уваровлэн автопортретэз выллем потэ мыным, — шуиз Владимир Соловьёв та кырзанэз мытон аяз.

Галина СЕМЁНОВА



Ижысь промышленно-экономической колледжысь музеен кивалтис Владимир Кисляков:

— Анатолий Уваров милям училищесы токарёлы дышетскиз. Солэн та дышетскон интылы (азыло 3 номеро училище нимаськиз) сйзем кылбурез но вань. Сое котькуд 1-тй сентябре студентёсмы лыдзо. Музеямы А. Уваровлэн туспуктэмез утиське.



Медицина наукаосъя доктор, профессор Иван Уваров:

— Та выллем пумиськонёс сюлэмез шунто но шумпотто, уго мон трос выльзэ тодйско атае сярись. Тау шуиско та жытэз дасям адямиослы но, вераськисёслы но. Шёдйско, макем зол тй гажаськодэ вал атайме.